



აღსრულების ეროვნული ბიურო National Bureau of Enforcement

სატენდერო დოკუმენტაცია

ერთი ცალი ვენის ტიპის ავტომობილის შესყიდვა ელექტრონული ტენდერის

საშუალებით CPV – 34115200

შესყიდვის სავარაუდო ღირებულება - 67060 ლარი

დაფინანსების წყარო - აღსრულების ეროვნული ბიუროს საკუთარი შემოსავლები

სარჩევი

1. სახელმწიფო შესყიდვების ერთიან ელექტრონულ სისტემაში ასატვირთი ინფორმაცია;
2. სატენდერო წინადადების ღირებულების გაანგარიშების მეთოდი;
3. ტექნიკური დავალება;
4. ანგარიშსწორების პირობები;
5. სატენდერო დოკუმენტაციის შესახებ დამატებითი ინფორმაციისა და განმარტებების მოთხოვნის საკონტაქტო ინფორმაცია;
6. ხელშეკრულების აუცილებელი პირობები და ფორმა;
7. აფიდავიტის საილუსტრაციო ფორმა;
8. დანართი №1 (რეკვიზიტების ფორმა);
9. დანართი №2 (ფასების ცხრილი ფორმა)
10. დანართი №3 (შესაბამისობის ფორმა)
11. დანართი №4 (ავტომობილის ტექ. მომსახურების ხარჯი 100,000 კმ-ზე)

1. სახელმწიფო შესყიდვების ერთიან ელექტრონულ სისტემაში ასატვირთი ინფორმაცია.

- 1.1. პრეტენდენტებმა უნდა წარმოადგინონ რეკვიზიტები დანართი №1-ს შესაბამისად.
- 1.2. ფასების ცხრილი დანართი №2-ს სახით;
- 1.3. ინფორმაცია შემოთავაზებული ავტომობილის ტექნიკური მახასიათებლების შემსყიდველის მოთხოვნებთან შესაბამისობის შესახებ დანართი №3-ს სახით;
- 1.4. ინფორმაცია შემოთავაზებული ავტომობილების წარმოშობის ქვეყნის, მწარმოებელი ფირმისა და მოდელის შესახებ და შემოთავაზებულ მოდელზე მწარმოებლის მიერ გაცემული საპასპორტო მონაცემები;
- 1.5. ინფორმაცია საგარანტიო პირობების შესახებ;
- 1.6. საგარანტიო პირობების დაცვით 100.000 კმ-ზე ავტომობილის ექსპლუატაციით გამოწვეული გეგმიური ხარჯების კალკულაცია დანართი №4-ს შესაბამისად;
- 1.7. ინფორმაცია მსგავსი ტიპის შესყიდვაში მინიმუმ ერთწლიანი გამოცდილების შესახებ.

2. საკვალიფიკაციო მოთხოვნები, რომლებსაც უნდა აკმაყოფილებდეს პრეტენდენტი

- 2.1 პრეტენდენტის მიმართ არ უნდა მიმდინარეობდეს გადახდისუუნარობის საქმის წარმოება, რაზედაც მან უნდა წარმოადგინოს ცნობა საქალაქო სასამართლოდან, რომ პრეტენდენტის მიმართ არ მიმდინარეობს გადახდისუუნარობის საქმის წარმოება;
- 2.2 ცნობა საჯარო რეესტრის ეროვნული სააგენტოდან პრეტენდენტის ქონებაზე საჯარო-სამართლებრივი შეზღუდვის არარსებობის შესახებ;
- 2.3 ცნობა შემოსავლების სამსახურიდან ბიუჯეტთან ანგარიშსწორების შესახებ, პრეტენდენტს არ უნდა გააჩნდეს ბიუჯეტისადმი დავალიანება;

3. სატენდერო წინადადების ღირებულების გაანგარიშების

მეთოდი

სატენდერო წინადადების ღირებულება უნდა მოიცავდეს ავტომობილების ფლობის ზღვრულ ოდენობას, რომელიც უნდა შედგებოდეს შემდეგი კომპონენტებისგან:

- 3.1. ავტომობილების მიწოდებასთან დაკავშირებულ ყველა ხარჯს საქართველოს კანონმდებლობით დადგენილი ყველა გადასახადის გათვალისწინებით, ასევე ავტომობილების შემსყიდველისთვის გადაფორმების ხარჯს;
- 3.2. საგარანტიო პირობების შესაბამისად 100,000 კილომეტრზე ავტომობილის ექსპლუატაციით გამოწვეულ გეგმიურ ხარჯს (დანართი №4);
- 3.3. საწვავის ხარჯს 100,000 კილომეტრზე საპასპორტო მონაცემების მიხედვით.

შენიშვნა: საწვავის ხარჯის დაანგარიშება უნდა მოხდეს შესაბამისი რაოდენობის ნამრავლით ერთი ლიტრი საწვავის პირობით ფასზე, რომელიც ტოლია 1-ის.

3. ტექნიკური დავალება

- 4.1.შესყიდვის ობიექტს წარმოადგენს 1 ცალი ვენის ტიპის ავტომობილი.
- 4.2.ავტომობილი უნდა იყოს ახალი (არ უნდა იყოს ექსპლუატაციაში ნამყოფი), გამოშვებული 2015 ან 2014 წელს.
- 4.3.ავტომობილის ძრავზე, გადაცემათა კოლოფზე, ხიდებზე და ელექტროობაზე უნდა ვრცელდებოდეს საგარანტიო პირობები ავტომობილის გადაცემიდან არანაკლებ 5 წლისა ულიმიტო გარბენით.
- 4.4.ავტომობილის მიწოდება უნდა მოხდეს ხელშეკრულების გაფორმებიდან 90 (ოთხმოცდაათი) კალენდარული დღის ვადაში, შემდეგ მისამართზე: თბილისი, დავით აღმაშენებლის ხეივანი მე-10 კილომეტრი.
- 4.5.შესყიდვის ობიექტის ტექნიკური მახასიათებლების აღწერა:

ვენის ტიპის ავტომობილი	
ძრავის მოცულობა	2,2-2,7ლ
ცილინდრების რაოდენობა	4
ძრავის სიმძლავრე	არანაკლებ 125 ცხ.ძ.
საწვავის ტიპი	დიზელი
წამყვანი თვლები	უკანა
გადაცემათა კოლოფი	მექანიკური, არანაკლებ 5 გადაცემით
ადგილების რაოდენობა	7+1
სიგრძის დიაპაზონი	5120-5340მმ
სიგანის დიაპაზონი	1920-2290მმ
სიმაღლის დიაპაზონი	1920-2000მმ
საწვავის ავზის მოცულობა	არანაკლებ 65ლ
საშუალო წვა 100კმ-ზე	არაუმეტეს 9ლ
ელექტრო შუშები	მინიმუმ წინა ორი
აუცილებელი მოთხოვნა	სათადარიგო საბურავი
აუცილებელი მოთხოვნა	წინა 2 უსაფრთხოების ბალიში
აუცილებელი მოთხოვნა	კონდიციონერი
აუცილებელი მოთხოვნა	აუდიო სისტემა, უკანა საქარე მინის ელ. გათბობა
აუცილებელი მოთხოვნა	საჭის გამაძლიერებელი
აუცილებელი მოთხოვნა	ABS

ავტომობილების ექსპლუატაციით გამოწვეულ გეგმიურ ტექ. მომსახურების შესყიდვაზე ტენდერში გამარჯვებულ პრეტენდენტთან ან მის მიერ მითითებულ პირთან გაფორმდება ხელშეკრულება პრეტენდენტის მიერ დანართი №4-ში დაფიქსირებული ფასებითა და პირობებით.

დანართ №4-ში დაფიქსირებული ფასები და პირობები, ძალაში უნდა იყოს საგარანტიო პერიოდის ამოწურვამდე ფლობის განმავლობაში.

100 000 კილომეტრზე ფლობის ღირებულების ფარგლებში, მიმწოდებელი ვალდებულია შემსყიდველს მიაწოდოს წინა და უკანა ხუნდები საჭიროების შემთხვევაში, სულ მცირე ხუთჯერ, ხოლო წინა და უკანა ხუნდების ყოველი

შემდგომი შესყიდვა გადასახდელი იქნება შემსყიდველის მიერ არა დადგენილი ფლობის ღირებულების ფარგლებიდან, არამედ ავტოტექნომსახურების დამატებით გაფორმებული ხელშეკრულების მიხედვით.

საგარანტიო პერიოდის განმავლობაში გამარჯვებული პრეტენდენტის მიერ შემოთავაზებული საგარანტიო სერვისით გათვალისწინებული საქონლის და მომსახურების ფასები შეიძლება დაკონვერტირდეს ელექტრონული ვაჭრობის დღისათვის ფიქსირებული ეროვნული ბანკის კურსით უცხოურ ვალუტაში, ხოლო ანგარიშსწორებისას - ეროვნულ ვალუტაში საქონლის ფაქტიური მიწოდების დღეს ეროვნული ბანკის მიერ დადგენილი გაცვლითი კურსით.

5. ანგარიშსწორების პირობები:

- 5.1. ტენდერის ფარგლებში ანაზღაურებას ექვემდებარება მხოლოდ სატენდერო დოკუმენტაციის 3.1. პუნქტში მითითებული ხარჯები.
- 5.2. ანგარიშსწორების ფორმაა უნაღდო ანგარიშსწორება ეროვნულ ვალუტაში;
- 5.3. ანაზღაურება მოხდება ავტომობილების შემსყიდველისთვის გადაცემისა და შესაბამისი მიღება-ჩაბარების აქტის გაფორმებიდან 15 (თხუთმეტი) სამუშაო დღის ვადაში.

4. სატენდერო დოკუმენტაციის შესახებ დამატებითი ინფორმაციისა და განმარტებების მოთხოვნის საკონტაქტო ინფორმაცია:

სატენდერო დოკუმენტაციის შესახებ დამატებითი ინფორმაციისა და განმარტებების მიღება დაინტერესებულ პირებს შეუძლიათ სსიპ - აღსრულების ეროვნულ ბიუროში, მისამართზე ქ. თბილისი, დავით აღმაშენებლის ხეივანი მე-10 კილომეტრი, მე-3 სართული, შესყიდვების განყოფილება.

საკონტაქტო პირი - გიორგი ლეკიაშვილი, ტელ: 577-18-08-81.

5. ხელშეკრულების აუცილებელი პირობები და ფორმა

ხელშეკრულება

სახელმწიფო შესყიდვების შესახებ

ქ.თბილისი

2015წ.

ჩვენ, ქვემოთ ხელის მომწერნი, ერთის მხრივ, საქართველოს იუსტიციის სამინისტროს სსიპ - აღსრულების ეროვნული ბიურო, (შემდგომში - შემსყიდველი ორგანიზაცია), წარმოდგენილი მისი ----- სახით და მეორეს მხრივ, ----- (შემდგომში - მიმწოდებელი), წარმოდგენილი მისი ----- სახით, ვხელმძღვანელობთ რა საქართველოში მოქმედი კანონმდებლობით, ვდებთ წინამდებარე ხელშეკრულებას შემდეგზე:

I. ხელშეკრულების საგანი

- 1.1. ხელშეკრულების საგანია ავტომობილის შესყიდვა (შემდგომში - შესყიდვის ობიექტი) ელექტრონული ტენდერის საშუალებით .
- 1.2. შესყიდვის ობიექტს წარმოადგენს 1 ცალი ვენის ტიპის ავტომობილი დანართის შესაბამისად, რომელიც თან ერთვის წინამდებარე ხელშეკრულებას და წარმოადგენს მის განუყოფელ ნაწილს.

II. შესყიდვის ობიექტის ღირებულება

- 2.1. შესყიდვის ობიექტის საერთო ღირებულება შეადგენს ----- (-----) ლარს საქართველოს მოქმედი კანონმდებლობით დადგენილი გადასახადების გათვალისწინებით.

III. შესყიდვის ობიექტის მიწოდების ვადები და ადგილი

- 3.1. შესყიდვის ობიექტის მიწოდება წარმოებს -----
- 3.2. შესყიდვის ობიექტის მიწოდების ადგილია ქ. თბილისი, დავით აღმაშენებლის ხეივანი მე-10 კილომეტრი.

IV. შესყიდვის ობიექტის მიღება-ჩაბარების წესი

- 4.1. შესყიდვის ობიექტი ჩაითვლება მიღებულად შესყიდვის ობიექტის ფაქტობრივი მიწოდებისა და შესაბამისი მიღება-ჩაბარების აქტის გაფორმების შემდეგ.

V. ანგარიშსწორების ფორმა, ვადა და ადგილი

- 5.1. ანგარიშსწორების ფორმაა უნაღდო ანგარიშსწორება ეროვნულ ვალუტაში;
- 5.2. ავტომობილის ღირებულების ანაზღაურება მოხდება ავტომობილის შემსყიდველისთვის გადაცემისა და შესაბამისი მიღება-ჩაბარების აქტის გაფორმებიდან 15 (თხუთმეტი) სამუშაო დღის ვადაში.

VI. მხარეთა უფლება-მოვალეობანი

- 6.1. შემსყიდველი ორგანიზაცია და მიმწოდებელი მოქმედებენ საქართველოს კანონმდებლობის სრული დაცვით.
- 6.2. შემსყიდველი ორგანიზაცია ვალდებულია:
ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს შესრულებული სამუშაოს ღირებულება.
- 6.3. შემსყიდველ ორგანიზაციას უფლება აქვს:
განახორციელოს კონტროლი მიმწოდებლის მიერ ხელშეკრულებით ნაკისრი ვალდებულებების შესრულებაზე;
მოსთხოვოს მიმწოდებელს შესყიდვის ობიექტის კონტროლის შედეგად გამოვლენილი დეფექტების აღმოფხვრა შემსყიდველი ორგანიზაციის მხრიდან რაიმე დამატებითი დანახარჯის გაწევის გარეშე.
- 6.4. მიმწოდებელი ვალდებულია:
მიაწოდოს შემსყიდველ ორგანიზაციას შესყიდვის ობიექტი ხელშეკრულებით გათვალისწინებული პირობების შესაბამისად;
საკუთარი ხარჯებით უზრუნველყოს კონტროლის შედეგად გამოვლენილი დეფექტების აღმოფხვრა;
დაიცვას ხელშეკრულებით გათვალისწინებული ყველა პირობა.
- 6.5. მიმწოდებელს უფლება აქვს:
მოსთხოვოს შემსყიდველ ორგანიზაციას შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

VII. ხელშეკრულების პირობების შესრულების კონტროლი

- 7.1. ხელშეკრულების პირობების შესრულებაზე კონტროლს განახორციელებს _____.

VIII. გარანტია

- 8.1. საგარანტიო პირობები მოცემულია დანართში, რომელიც წარმოადგენს ხელშეკრულების განუყოფელ ნაწილს.
- 8.2. საგარანტო პერიოდის განმავლობაში შესყიდვის ობიექტის ექსპლუატაციისას დეფექტების გამოვლენის შემთხვევაში, მიმწოდებელი ვალდებულია განახორციელოს დეფექტების აღმოფხვრა შემსყიდველი ორგანიზაციის მხრიდან რაიმე დამატებითი დანახარჯის გაწევის გარეშე.

IX. მხარეთა პასუხისმგებლობა ხელშეკრულების პირობების დარღვევისას

- 9.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის მოქმედი კანონმდებლობის შესაბამისად.
- 9.2. თუ ხელშეკრულების ერთი მხარე ხელშეკრულებით გათვალისწინებულ ვადაში არ ასრულებს ან არაჯეროვნად ასრულებს ხელშეკრულებით ნაკისრ ვალდებულებას, მეორე მხარე წერილობითი ფორმით უწესებს მას დამატებით ვადას ხელშეკრულებით გათვალისწინებული პირობების შესრულებისათვის.

- 9.3. ხელშეკრულების ერთი მხარის მიერ დამატებით ვადაში ვალდებულების კვლავ შეუსრულებლობის ან არაჯეროვნად შესრულების შემთხვევაში, მეორე მხარეს უფლება აქვს ცალმხრივად შეწყვიტოს ხელშეკრულების მოქმედება.
- 9.4. ხელშეკრულების მხარეს, მის მიერ ხელშეკრულებასთან დაკავშირებული ვალდებულების შესრულების ვადის გადაცილების შემთხვევაში, დაეკისრება პირგასამტეხლო ყოველ ვადაგადაცილებულ დღეზე შესყიდვის ობიექტის საერთო ღირებულების 0.2 პროცენტის ოდენობით.
- 9.5. თუ ერთი მხარისთვის დაკისრებული პირგასამტეხლოს ჯამური თანხა გადააჭარბებს შესყიდვის ობიექტის საერთო ღირებულების 10 (ათი) პროცენტს, მეორე მხარეს უფლება აქვს ცალმხრივად შეწყვიტოს ხელშეკრულების მოქმედება.

X. ფორს-მაჟორული სიტუაციები

- 10.1. მხარეები პასუხისმგებელნი არ არიან თავიანთ ვალდებულებათა სრულად ან ნაწილობრივ შეუსრულებლობაზე, თუ ის გამოწვეულია ისეთი გარემოებებით, როგორიცაა: წყალდიდობა, ხანძარი, მიწისძვრა და სხვა სტიქიური მოვლენები, აგრეთვე საომარი მოქმედებები, რომლებიც უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, ხელისშემშლელ გარემოებათა აღმოფხვრის შემდეგ.
- 10.2. თუ ფორს-მაჟორული გარემოებების გამო სახელშეკრულებო ვალდებულებების მთლიანი ან ნაწილობრივი შეუსრულებლობა გრძელდება ორ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის მოთხოვნის უფლების გარეშე. მხარე, რომელსაც შეექმნა ფორს-მაჟორის გარემოება, დაუყოვნებლივ აცნობებს ამის შესახებ მეორე მხარეს.

XI. ხელშეკრულების პირობების გადასინჯვა

- 11.1. ხელშეკრულებების პირობების შეცვლა დაუშვებელია, თუ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ამ შემთხვევაშიც ფასის ცვლილება დასაშვებია არაუმეტეს ხელშეკრულების თავდაპირველი ღირებულების 10%-ისა.
- 11.2. ხელშეკრულებაში ცვლილებების და დამატებების შეტანა შესაძლებელია მხარეთა თანხმობის შემთხვევაში. ნებისმიერი ცვლილება და დამატება ხელშეკრულებაში შეიძლება შეტანილ იქნეს მხოლოდ წერილობითი ფორმით. ხელშეკრულების პირობების ნებისმიერ ცვლილებაზე უნდა გაფორმდეს შეთანხმება, რომელიც ჩაითვლება ხელშეკრულების განუყოფელ ნაწილად.

XII. ხელშეკრულების მოქმედების ვადა

ხელშეკრულება ძალაშია მხარეთა მიერ მასზე ხელმოწერის დღიდან და მოქმედებს -----
-----.

XIII. დავა და მისი გადაწყვეტის წესი

- 13.1. წამოჭრილი დავა ან აზრთა სხვადასხვაობა შესაძლებელია გადაწყდეს ორივე მხარის ერთობლივი მოლაპარაკების საფუძველზე.
- 13.2. თუ შემსყიდველი ორგანიზაცია და მიმწოდებელი მოლაპარაკებების დაწყებიდან 15 (თხუთმეტი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს კანონმდებლობით დადგენილი წესით.

XIV. სხვა პირობები

- 14.1. საკითხები, რომელიც არ არის გათვალისწინებული ამ ხელშეკრულებით, რეგულირდება საქართველოს კანონმდებლობით დადგენილი წესით.
- 14.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 14.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 14.4. ხელშეკრულება შედგენილია ქართულ ენაზე ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

XV. მხარეთა იურიდიული მისამართები და რეკვიზიტები, მხარეების წარმომადგენელთა ხელმოწერები, ბეჭედი

საქართველოს იუსტიციის სამინისტროს
სსიპ „აღსრულების ეროვნული ბიურო“
ქ. თბილისი, აღმაშენებლის ხეივანი მე-10
კილომეტრი
ს/ს „თიბისი ბანკი“
მარჯანიშვილის ფილიალი
კოდი: TBCBGE22
ა/ა GE76TB70101010101010
საიდენტიფიკაციო კოდი: 205263873

6. აფიდავიტის საილუსტრაციო ფორმა

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ; უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;

ნებისმიერი პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

ჩემთვის ცნობილია, რომ ტერმინი “კონკურენტი” აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებულ ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

7. დანართი №1 (რეკვიზიტების ფორმა);

რეკვიზიტები

ორგანიზაციის დასახელება	
სადენტიფიკაციო კოდი	
მისამართი (იურიდიული და ფაქტიური)	
ხელმძღვანელის სახელი და გვარი	
მომსახურე ბანკის დასახელება	
ბანკის კოდი	
ანგარიშსწორების ანგარიში	
ტელეფონის ნომერი	

ხელმძღვანელის ხელმოწერა და ბეჭედი : -----

8. დანართი №2 (ფასების ცხრილი)

№	დასახელება	ღირებულება (ლარი)	ავტომობილის ფლობის ღირებულება (ლარი)
1	/მიეთითება მწარმოებელი და მოდელი/		
2	ავტომობილის ტექ. მომსახურების ხარჯი 100,000 კმ-ზე		
3	ავტომობილის საწვავის ხარჯი 100,000 კმ-ზე		

ხელმძღვანელის ხელმოწერა და ბეჭედი : -----

9. დანართი №3 (შესაბამისობის ფორმა)

ტექნიკური მახასიათებლები	შემსყიდველის მოთხოვნა	მიმწოდებლის შემოთავაზება
ძრავის მოცულობა	2,2-2,7ლ	
ცილინდრების რაოდენობა	4	
ძრავის სიმძლავრე	არანაკლებ 125 ცხ.ძ.	
საწვავის ტიპი	დიზელი	
წამყვანი თვლები	უკანა	
გადაცემათა კოლოფი	მექანიკური, არანაკლებ 5 გადაცემით	
ადგილების რაოდენობა	7+1	
სიგრძე	5120-5340მმ	
სიგანე	1920-2290მმ	
სიმაღლე	1920-2000მმ	
საწვავის ავზის მოცულობა	არანაკლებ 65ლ	
საშუალო წვა 100კმ-ზე	არაუმეტეს 9ლ	
ელექტრო შუშები	მინიმუმ წინა ორი	
აუცილებელი მოთხოვნა	სათადარიგო საბურავი	
აუცილებელი მოთხოვნა	წინა 2 უსაფრთხოების ბალიში	
აუცილებელი მოთხოვნა	კონდიციონერი	
აუცილებელი მოთხოვნა	აუდიო სისტემა, უკანა საქარე მინის ელ. გათბობა	
აუცილებელი მოთხოვნა	საჭის გამაძლიერებელი	
აუცილებელი მოთხოვნა	ABS	

ხელმძღვანელის ხელმოწერა და ბეჭედი : -----

10. დანართი №4 (ავტომობილის ტექ. მომსახურების ხარჯი 100,000 კმ-ზე)

დასახელება	ერთჯერადი მომსახურებისთვის საჭირო რაოდენობა	ერთეულის ფასი	მომსახურების ღირებულება	შეცვლის ჯერადობა 100.000კმ-ზე	საერთო ფასი
ძრავის ზეთი					
ზეთის ფილტრი					
წინა სამუხრუჭე ხუნდები					
უკანა სამუხრუჭე ხუნდები					
ჰაერის ფილტრი					
სალონის ფილტრი					
ანთების სანთლები					
ძრავის ღვედის კომპლექტი					
ჯამი					

შემოთავაზება ძალაშია საგარანტიო ვადის ამოწურვამდე, იმ შემთხვევაში თუ ავტომობილის ტექნიკური მომსახურება განხორციელდება მიმწოდებელთან ან მიმწოდებლის მიერ მითითებულ პირთან.

100 000 კილომეტრზე ფლობის ღირებულების ფარგლებში, მიმწოდებელი ვალდებულია შემსყიდველს მიაწოდოს წინა და უკანა ხუნდები საჭიროების შემთხვევაში, სულ მცირე ხუთჯერ, ხოლო წინა და უკანა ხუნდების ყოველი შემდგომი შესყიდვა გადასახდელი იქნება შემსყიდველის მიერ არა დადგენილი ფლობის ღირებულების ფარგლებიდან, არამედ ავტოტექმომსახურების დამატებით გაფორმებული ხელშეკრულების მიხედვით.

ხელმძღვანელის ხელმოწერა და ბეჭედი : -----

პრეტენდენტებს შეუძლიათ მიუთითონ ყოველი კონკრეტული მომსახურებისთვის რეკომენდირებული დრო გარბენის მიხედვით.